

Von den Praeservativen.

Ansfanglich ist zu wissen/das Dysen-
 teria vor sich selber keine steckende
 Seuche sey / sondern diese / welche
 sich mit einem bösen Fieber vermengt/
 oder wann eine grosse Fäulung vorhan-
 den / also das ein contagium mit unter
 leuffe/wie denn jehiger Zeit auch geschicht/
 diese Ruhr bedarff wol Vorsehens: Es
 sellt aber allhier eine Disputation unter
 den Gelehrten vor / ob man auch præser-
 vantia medicamenta haben möge oder
 nicht? Welche es leugnen/das kein præ-
 servativum were / die ziehen dieses fun-
 damentum an/vnnd sprechen/die ratio-
 nes vnnd Natur selber bezeiget / das dieser
 Krankheit nicht einerley Ursachen seyn/
 wie denn oben auch gedacht / sondern viel
 vnnd mancherley / derowegen köndte es
 nicht wol möglich seyn / das man ein
 medicamentum præservans habē kön-
 te/denn ein jedere Ursache erfordere eine
 sonderliche curam. Vnd zwar ist es nicht
 ohne / das eine jedere Ursache sein eigen
 curam